

【雲】羅紫云原作

有一擺出國去祭，恁好彩分僱坐在飛行機窗門脣，該日，天時當好，看往出，阿姆哀正得，青青个天、白白个雲——青天白雲，該強強分人毋記得个記憶，做一擺分僱看著哩，深深刻印在吾个腦膈裡肚，不時會出現在夢中。

該雲个色彩仰會恁靚！有白白像當好食个綿綿冰、棉花糖，也有像軟軟會分人燒暖个白棉花，有个像嬰兒仔恁得人惜想愛偷啜一下厥紅霞紅霞个面頰卵。還有各種無共樣形投个款式，有像觀音娘坐在蓮花座上騰雲，也有像關公手擎青龍偃月刀 1 大戰外星人，有像高高大大个山仔，也有像青堂瓦舍个屋仔、皇宮，還有像走當遠个車仔、馬仔，分風吹散一坵一坵像鯉鱗个魚鱗，又有像一群細人仔在運動坪打球仔、搞遊戲，還有恁多恁多講毋得出个樣式，這千姿百態恁醉人分人痴迷个畫面，就係大自然「雲」个奧妙。

研究雲个科學講安到雲物理學，這離僱忒遠哩，無法度理解，僱就知佢係水氣飽足時所形成个，離地面近个就係像僱等

---

1 青龍偃月刀：音 qiang / liung / ien \ ngied do / ；漢末三國時關羽所使用的兵器，也稱關刀。

2 面紗，看毋清楚頭前个濛煙、濛紗煙；離地面遠个就係「雲」，雲个名仔有當多種，有个雲出現毋會落水，有个雲出現會拚大雨。天頂个雲千變萬化，根據祖先个經驗諺語，就測得著天時，歇在山頂个僱，愛行路去學校讀書，故所，從細就有這個知識，打早跣床定著會企在門前向對門山看，山無戴帽仔、書包仔就輕幾下兩；係「山戴帽——有水到」，該就刻耐仔愛背水衣仔、遮仔。

尤其分僱發夢就會嚇醒个就係六月天晒穀，上煎下焗，全無好偷閃，故所就愛遽遽同穀晒燥好上倉，除忒愛煞猛耙穀、貶穀以外，還愛注意天頂雲个變化。阿爸教僱：「天頂魚鱗斑，晒穀 毋使翻」；「雲向東一陣風，雲向南水連連」。看著惡雲頭出現、烏雲奔啊來，水點黏時絮絮疏疏 3，噉里啲啦就落等來，耙穀、收穀毋得掣，緊張到強強會斷氣，係無拚命收穀，阿爸半年个辛苦就會分水蔭壞，歸屋人就愛承烏屎食哩。較早愛靠祖先个經驗傳承來測天時，做事正會順序；現下人較好命，有氣象局預報，單淨同電視、手機仔打開來就知哩。無人會自動去關心天頂个雲生到圓抑係扁，正經係時代無共樣哩。

---

2 僱等：音 dung / den \ ；蒙著、蓋著。

3 絮絮疏疏：音 xi xi so so ；狀聲詞，形容雨點散落的聲音。